



830
35

79429

孫俚工編



編輯例言

一、本書以灌注復興民族的思想，鼓勵青年熱烈的愛國魂爲主旨。

一、本書以體裁爲綱，分爲六組：

(1) 論說

(2) 記敘

(3) 傳記

(4) 小說戲劇

(5) 詩詞曲

(6) 應用

特種國文選

詩詞曲

編輯例言

一、本書除專供有特殊性之學校（如軍事學校特種訓練班，特設學院等等）採用外，其高級中學以上學校之特設國文亦可採用之。

一、本書各篇中重要詞句及難詮解之字句，均經加以注釋，以便學生自修研讀。



特種國文選詩詞曲目錄

戰城南

又

入關

從軍行

渡易水

從軍行二首

關山篇

出塞

詠荊軻

代出自蓟北門行

特種國文選
詩詞曲目錄

一

吳均

前人

前人

前人

前人

王褒

前人

前人

陶淵明

鮑照

出自薊北門行

庾信

白馬篇

隋煬帝

出塞二首

楊素

從軍行

盧思道

出自薊北門行

李白

發白馬

前人

從軍行

前人

從軍行

前人

軍行

前人

前出塞二首

杜甫

後出塞

前人

醉歌

陸游

戰城南

書 嘆

書 嘆

出塞曲

出塞曲

塞上曲

隴頭水

正氣歌

言 志

過零丁洋

自舉師未克與二三同志怏怏不平賦此

軍中夜感

陸 游

陸 游

陸 游

陸 游

陸 游

陸 游

陸 游

文天祥

文天祥

文天祥

張家玉

張家玉

夜走博羅

張家玉

感遇

張家玉

營中晚坐

張家玉

倭無敵

萬斯同

王江涇

萬斯同

築邊牆

萬斯同

臺灣行

黃遵憲

哭威海

黃遵憲

軍中歌

黃遵憲

旋軍歌二首

黃遵憲

弔吳烈士樾

黃遵憲

失題

秋瑾

遼甯月色

在蘊藻浜的戰場上

軍歌

馬賽革命歌

六州歌頭

賀新郎

雨中花

滿江紅

訴衷情

夜遊宮

水調歌頭

西江月

特種國文選

詩詞曲目錄

五

林風

陳夢家

羅家倫

黎士禮作
劉復譯

張孝祥

辛棄疾

蘇洞

岳飛

陸游

陸游

陳亮

劉過

特種國文選
詩詞曲
目錄

六

西河

賀新涼

滿江紅

又

黨獄

俠情

王 瑩


文及翁

吳 易

任中敏

梁啓超

梁啓超



戰城南

吳均

蹂躪青驪馬，往戰城南畿。五歷魚麗陣，三入九重圍。名憚武安將，血汗秦王衣。爲君意氣重，無功終不歸。

又

詩臺作胡無人行

陌上何諠諠，匈奴圍塞垣。黑雲藏趙樹，黃塵埋隴垠。天子羽書勞，將軍在玉門。

入關

羽檄起邊庭，烽火亂如螢。是時張博望，夜赴交河城。馬頭要落日，劍尾掣流星。君恩未得報，何論身命傾？

從軍行

男兒亦可憐，立功在北邊。陣頭橫却月，馬腹帶連錢。懷戈發隴坻，乘凍至遼川。微誠君不愛，終自直如弦。

渡易水

雜虜客來齊，時余在角觝。揚鞭渡易水，直至龍城西。日昏笳亂動，天曙馬爭嘶。不能通瀚海，無面見三齊！

選自全漢三國晉南北朝詩

(註) ① 吳均 (469—520)，字叔庠，南朝宋吳興人。詩體清拔，學者稱爲「吳均體」。有齊春秋，十

二州記，續文釋，文集，續齊諧記，注後漢書等。 ② 魚麗，軍陣名，言如魚之相麗也。左傳：

『爲魚麗之陳。』 ③ 秦將白起封武安君。 ④ 張騫，封博望侯。

從軍行二首

王 褒

兵書久閑習，征戰數曾經。講戎平樂觀，●學戲羽林亭●西征度疏勒，東驅出井陘。牧馬濱長渭，營軍毒上涇。平雲如陣色，半月類城形。羽書封信璽，詔使動流星。對岸流沙白，緣河柳色青。將幕恆臨斗，旌門常背邢。勳封瀚海石，功勒燕然銘。兵勢因麾下，軍圖送掖庭。誰憐下玉筋？向暮掩金屏。

共河流水急，驄馬遠征人。谷望河陽縣，橋渡小平津。年少多遊俠，結客好輕身。代風愁櫪馬，胡霜宜角筋。羽書勞警急，邊鞍倦苦辛。康居因漢使，盧龍稱魏臣。荒戍唯看柳，邊城不識春。男兒重意氣，無爲羞賤貧。

關山篇

王 褒

從軍出隴坂，驅馬度關山。關山恆掩靄，高峯白雲外。遙望秦川水，千里長

如帶。好勇自秦中，意氣多英雄。少年便習戰，十四已從戎。遼水深難度。榆關斷未通。

出塞

王 褒

飛蓬似征客，千里自長驅。塞禽唯有雁，關樹但生榆。背山看故壘，繫馬識餘蒲。還因麾下騎，來送月支圖。

選自全漢三國晉南北朝詩

(註) ①王褒，字子淵，梁臨沂人。後因使北周，爲其所留。得待以舅氏之禮，仕周。有詩文若干。②

平樂觀，在河南洛陽縣故洛陽城西。後漢明帝於長安迎取飛廉銅馬，置西門外平樂觀。漢靈帝自稱無上將軍，耀兵平樂觀。③羽林，係禁衛之名，漢武帝置。宣帝使中郎將監之，領郎百人

，謂之羽林郎，取從軍死事之子孫養之。樂府有羽林郎

詠荊軻

陶淵明 ①

燕丹善養士，志在報強嬴。招集百夫長，歲暮得荊卿。君子死知己，提劍出燕京，素驥鳴廣陌，慷慨送我行。雄髮指危冠，猛氣衝長纓。飲饒易水上，四座列羣英。漸離擊悲筑，宋意唱高聲。●蕭蕭哀風逝，淡淡寒波生。商音更流涕，羽奏壯士驚。公知去不歸，且有後世名。登車何時顧，飛蓋入秦庭。凌厲越萬里，逶迤過千城。圖窮事自至，豪主正怔營。惜哉劍術疏，奇功遂不成。其人雖已沒，千載有餘情！

選自陶淵明集

代出自蓟北門行

鮑照 ②

羽檄起邊亭，烽火入咸陽，徵師屯廣武，④分兵救朔方。嚴秋筋竿勁，虜陣

精且彊。天子按劍怒，使者遙相望。雁行緣石徑，魚貫度飛梁。簫鼓流漢思，旌甲被胡霜。疾風衝塞起，沙礫白飄揚。馬毛縮如蝟，角弓不可張。時危見臣節，世亂識忠良。投軀報明主，身死爲國殤！

選自鮑明遠集

出自薊北門行

庾信

薊門還北望，役役盡傷情。關山連漢月，隴水向秦城。笳寒蘆葉脆，弓凍絃弦鳴。梅林能止渴，複姓可防兵。將軍朝挑戰，都護夜巡營。燕山猶有石，須勒幾人名。

選自全漢三國晉南北朝詩

(注) ①陶潛(365—427)，字元亮，又字淵明。宋柴桑人。有陶淵明集八卷。②宋意：淮南子『高漸離宋意爲擊筑而歌于易水之上』。③鮑照(421—465)，字明遠，南朝宋東海人。有鮑參軍集。④廣

武，山名，在今河南河陰縣北，楚漢相持於此。^⑤庾信（Guthrie），字子山，梁南陽人。元帝時，封武康縣侯。聘於周，遂留長安，官至開府儀同三司。有庾開府集。與徐陵好爲豔詩，時號「徐庾體」。^⑥世說新語：「魏武行役，失道，軍皆渴。乃令曰：「前有大梅林，饑子，其酸可以解渴」。士聞之，口皆出水，乘此得及前源」。^⑦隋書經籍志：兵法有黃帝複姓二卷。

特種國文選
詩詞曲

白馬篇

隋煬帝

白馬金具裝，橫行遼水傍，問是誰家子，宿衛羽林郎。文犀六屬鎧，寶劍七星光，山虛弓響徹，地迴角聲長。宛河推勇氣，隴蜀擅威強，輪臺受降虜，高闕剪名王。射熊入飛觀，校獵下長楊，英名欺衛霍，智策蔑平良。島夷時失禮，卉服犯邊疆，徵兵集薊北，輕騎出漁陽。進軍隨日暈，挑戰逐星芒，移陣龍勢動，營開虎翼張。衝冠入死地，攘臂越金湯，塵飛戰鼓急，風交征旆揚。轉門平華地，追奔掃鬼方。本持身許國，况復武功彰。會令千載後，流譽滿旂常。

出塞二首

楊素

漠南胡未空，漢將復臨戎。飛狐出塞北，碣石指遼東。冠軍臨瀚海，長平翼大風。雲橫虎落陣，氣抱龍城虹。橫行萬里外，胡運百年窮。兵寢星芒落，戰

解月輪空。嚴鑣[●]息夜斗，騁角罷鳴弓。北風嘶朔馬，胡霜切塞鴻。休明大道暨，幽荒日月同。方就長安邸，來謁建章宮。

漢虜未和親，憂國不憂身。握手河梁上，窮涯北海濱。據鞍獨懷古，慷慨感良臣。歷覽多舊迹，風日慘愁人。荒塞空千里，孤城絕四鄰。樹寒偏易古，草衰恆不春。交河明月夜，陰山苦霧辰。鴈飛南入漢，水流西咽秦。風霜久行役，河朔備艱辛，薄暮邊聲起，空飛胡騎塵。

選自全漢三國晉南北朝詩

從軍行

盧思道^四

朔方烽火照甘泉，長安飛將出祁連。犀渠玉劍良家子，白馬金羈俠少年。平明偃月屯右地，薄暮魚麗逐左賢。谷中石虎經銜箭，山上金人曾祭天。天涯一去無窮已，薊門迢遶三千里。朝見馬嶺黃沙合，夕望龍城陣雲起。庭中奇樹已堪攀

塞外征人殊未還。白雪初下天山外，浮雲直上五原間。關山萬里不可越，誰能坐對芳菲月？流水本是斷人腸，堅冰舊來傷馬骨。邊亭節物與華異，冬霰秋霜春不歇。長風蕭蕭渡水來，歸雁連連映天沒。從軍行，軍行萬里出龍庭。單于渭橋今已拜，將軍何處覓功名？

選自全漢三國晉南北朝詩

(註)●楊素，字處道，隋華陰人。從隋文帝定天下，羣臣莫居其右。封越國公。有詩文若干。●虎

落，漢書鼂錯傳注『虎落者外蕃也，若今時竹虎也。』龍城，又名和龍，今熱河朝陽縣治。●

鏃斗，卽刁斗。洞天清祿集，謂刁斗無足，鏃斗有足。●盧思道，字子行，隋范陽人。有文集

三十卷。

特種國文選

詩詞曲

出自薊北門行

李白

虜陣橫北荒，胡星耀精芒。羽書速驚電，烽火晝連光。虎竹救邊急，戎車森已行。明主不安席，按劍心飛揚。推轂出猛將，連旗登戰場。兵威衝絕幕，殺氣凌穹蒼。列卒赤山下，開營紫塞傍。孟冬風沙緊，旌旗颯凋傷。畫角悲海月，征衣卷天霜。揮刃斬樓蘭，彎弓射賢王。單于一平蕩，種落自奔亡。收功報天子，行歌歸咸陽。

發白馬

李白

將軍發白馬，旌節渡黃河，蕭鼓聒川岳，滄溟湧濤波。武安有震瓦，易水無寒歌。鐵騎若雲山，飲流涸滹沱。揚兵獵月窟，轉戰略朝那。倚劍登燕然，邊烽列嵯峨。蕭條萬里外，耕作五原多。一掃清大漠，包虎戢金戈。

從軍行

李白

從軍玉門道，逐虜金微山^①。笛奏梅花曲^②，刀開明月環。鼓聲鳴海上，兵氣擁雲間。願斬單于首，長驅靜鐵關^③。

從軍行

李白

百戰沙場碎鐵衣，城南已合數重圍。突營射殺呼延將^④，獨領殘兵千騎歸。

軍行

李白

騶馬^⑤新跨白玉鞍，戰罷沙場月色寒。城頭鐵鼓聲猶震，匣裏金刀血未乾。

選李太白集

(注)●李白(701—762)，字太白，世稱謫仙。唐蜀郡人。有李太白集二十卷，①胡星，即昂星也。②

羽書，卽檄書也。魏武奏事曰：『邊有警急卽插羽以示急也。』^④虎竹，卽虎符。史記信陵君傳：『得虎符，奪管鄴軍。』^⑤赤山，後漢書，烏桓傳在今遼東西北數千里。又遼東太守祭彤使解卑擊赤山烏桓，大破之，斬其準帥。^⑥通典：『白馬春秋時衛國曹邑有黎陽津，一曰白馬津。』發白馬，言征戍而發兵於此也。^⑦史記：『秦伐韓軍於闕，與趙王令趙奢救之。秦軍軍武安西，鼓譟勒兵，武安屋瓦盡震。』^⑧揚雄長楊賦『西歷月窟。』^⑨史記：『匈奴單于十四萬騎入朝那。』^⑩蕭關正義曰：『漢朝那故，城在原州百泉縣西七十里。』^⑪十五，原謂龍游，原乞地干，原青嶺，原崑蘭，原橫槽原也。漢武元朔二年，置五原郡地，有原五所，故云。^⑫禮記：武王克殷，反商，倒載干戈，包之以虎皮。^⑬漢書竇憲遣左校尉耿种出居延塞，圍北單于於金微山，破之。^⑭按白帖：笛有落梅花之曲。^⑮鐵門關，卽漢之西屏。門扇一豎一，外鐵裏木，加縣諸鈴。^⑯晉書匈奴傳：其四姓有呼延氏，卜氏，蘭氏，喬氏；而呼延氏最貴。^⑰史記集解：徐廣曰：赤馬黑髦曰臨。

特種國文選
詩詞曲

前出塞二首

杜甫

磨刀鳴咽水，水赤刀傷手，欲輕腸斷聲，心緒亂已久。丈夫誓許國，憤惋復何有？功名圖麒麟，戰骨當速朽。

單于寇我壘，百里風塵昏。雄劍四五動，彼軍爲我奔，虜其名王歸，繫頸授轅門。潛身備行列，一勝何足論。

後出塞

杜甫

男兒生世間，及壯當封侯；戰伐有功業，焉能守舊丘。召募赴薊門，軍動不可留。千金買馬鞭，百金裝刀頭。閭里送我行，親戚擁道周，班白居上列，酒酣進庶羞。少年別有贈，含笑看吳鉤。

（注）●杜甫字子美，襄陽人，居鞏縣，少貧，第進士不第。天保初獻三大禮賦，授京兆府兵曹參軍。

祿山陷京師，甫奔赴行在，拜左拾遺。其後棄官居同谷縣。嚴武鎮成都，奏爲參謀檢校工部員外郎。武卒蜀亂，攜家避荆楚。卒於來陽，年五十九，有杜工部集。



醉歌

陸游

讀書三萬卷，仕宦皆束閣。學劍四十年，虜血未染鏑。不得爲長虹，萬丈掃寥廓。又不爲疾風，六月送飛雹。戰馬死槽櫪，公卿守和約。窮邊指淮肥，異域視京雒。於乎此何心！有酒吾忍酌。平生爲衣食，斂版靴兩腳。心雖了自非，口不給唯諾。如今老且病，鬢禿牙齒落。仰天少吐氣，餓死實差樂。壯心理不朽，千載猶可作。

戰城南

陸游

王師出城南，塵頭暗城北。五軍戰馬如錯繡，出入變化不可測。逆胡欺天負中國，虎狼雖猛那勝德？馬前嘯咿爭乞降，滿地縱橫投劍戟。將軍駐坡擁黃旗，遣騎傳令勿自疑。詔書許汝以不死，股票何爲汗如洗？

書 嘆

陸游

少年志欲掃胡塵，至老甯知不少伸。覽鏡已悲身潦倒，橫戈空覺膽輪囷。生無鮑叔能知己，死有要離與卜鄰。西望不須揩病眼，長安冠劍幾番新。

書 嘆

陸游

高廟衣冠月出遊，中原父老淚交流。諸公誰効回天力，散吏空懷恤緯憂。雨細漁菴晨舉網，月明畊隴夜驅牛。神州克復知何日？北望飛蓬萬里秋。

出塞曲

陸游

千騎爲一隊，萬騎爲一軍，朝踐狼山雪，暮宿榆關雲。將軍羽箭不虛發，直到祁連無雁羣。鑿鑿春雷收陣鼓，蜿蜿驚蛇射生弩。落蕃遺民立道邊，白髮如霜

淚如雨；褫魄胡兒作窮鼠，競裏胡頭改胡語。陣前乞降馬前舞，檄書夜入黃龍府。

出塞曲

陸游

佩刀一刺山爲開，壯士大呼城爲摧。三軍甲馬不知數，但見動地銀山來。長戈逐虎祁連北，馬前曳來血丹臆。却回射雁鳴綠江，箭飛雁起連雲黑。清泉茂草下程時，野帳牛酒爭淋漓。不學京都貴公子，唾壺塵尾；事兒嬉。

塞上曲

陸游

老矣猶思萬里行，翩然上馬始身輕。玉關去路心如鐵，把酒何妨聽渭城。

隴頭水

陸游

隴頭十月大雨霜，壯士夜挽綠沈槍；臥聞隴水思故鄉，三更起坐淚數行。我語壯士勉自疆，男兒墮地志四方，裹尸馬革固其常，豈若婦女不下堂。生逢和親最可傷，歲輦金絮輸胡羌。夜視太白收光芒，報國欲死無戰場。

選劍南詩稿

(注) ●陸游(1125—1210)，字務觀，晚稱放翁。宋山陰人。有劍南詩稿、渭南文集，放翁詞，老學菴筆記，南唐書，入蜀記等。●鮑叔牙，春秋齊人。仕齊爲大夫。與管仲友善，因荐爲齊桓公相。管仲曰：『生我者父母，知我者鮑子。』●要離，春秋時之刺客。吳公子光既弑王僚，使要離刺其子慶忌。要離詐負罪出奔，使吳戮其妻子，而見慶忌於衛，與之俱渡江，至吳地，乘慶忌不意，刺中其要害，慶忌義之。使還吳以旌其忠。要離至江陵伏劍以報。

正氣歌

文天祥

天地有正氣，

雜然賦流形。

下則爲河嶽；

上則爲日星；

於人曰浩然，

沛乎塞蒼冥！

皇路當清夷，

含和吐明廷。

時窮節乃見，

一一垂丹青：

在齊太史簡，^一

在晉董狐筆。^二

在秦張良椎，^三

在漢蘇武節。

爲嚴將軍頭，^四

爲嵇侍中血。^五

爲張睢陽齒，

爲顏常山舌。^六

或爲遼東帽，^七

清操厲冰雪。

或爲出師表，^八

鬼神泣壯烈。

或爲渡江楫，^九

慷慨吞胡羯。

或爲擊賊笏，^十

逆豎頭破裂。

是氣所磅礴，

凜烈萬古存！

當其貫日月，

生死安足論？

地維賴以立，

天柱賴以尊。

三綱實繫命，

道義爲之根。

嗟予遘陽九！

隸也實不力。

楚囚纓其冠，

傳車送窮北。

鼎鑊甘如飴，

求之不可得。

陰房闐鬼火，

春院闕天黑。

牛驥同一皁，

雞棲鳳凰食。

一朝蒙霧露，
分作溝中瘠。

如此再寒暑，
百沴自辟易。

嗟哉沮洳場，
爲我安樂國！

豈有他謬巧？
陰陽不能賊。

顧此耿耿在，
仰視浮雲白。

悠悠我心悲，
蒼天曷有極！

哲人日以遠，
典型在夙昔。

風簷展書讀，
古道照顏色。

（注）●太史簡

左傳：『太史書曰：「崔杼弑其君。」崔子殺之，其弟嗣書而死者二人，其弟又書，

乃舍之。南史氏聞太史盡死，執簡以往，聞既書矣，乃還。』●董狐筆 董狐，春秋晉史官。

靈公欲殺趙盾，盾出遁。已而趙穿弑靈公於桃園，盾遂還。狐書曰：「趙盾弑其君靈公。」盾曰

：「不然！」對曰：「子爲正卿，亡不越境；反不討賊，非子而誰？」按狐爲史官，不爲威武所屈，書法無隱，故謂董狐筆云。●張良椎 秦滅韓，張良憤故土淪亡，乃悉以家財求客刺秦王

，爲韓報仇。得力士，操鉅椎狙擊始皇於博浪沙，中副車。秦求賊甚急，良更姓名，亡匿下邳。

④嚴將軍 卽嚴顏。劉璋使守巴郡，爲張飛所擒，飛呵曰：「何不降？」顏曰：「我州但有斷頭將軍，無降將軍。」飛怒，令牽去斫頭。顏色不變，曰：「斫頭便斫頭，何怒耶？」飛壯而釋之。

⑤稽侍中 卽稽紹。惠帝時，紹爲侍中。永興初，河間王顥，成都王穎舉兵反，紹從帝戰於蕩陰，侍衛皆潰，惟紹以身捍衛，遂被害於帝側，血濺御衣。事定，左右欲浣衣，帝曰：「此稽侍中血，勿浣！」

⑥顏常山 卽顏杲卿，安祿山鎮范陽，表爲營田判官，假常山太守。祿山反，潛謀圖賊，祿山遣人急攻常山，杲卿未及爲守計，城陷，被執，縛之天津橋柱，節解，以肉啖之，杲卿罵不絕口。賊鉤斷其舌曰：「復能言否？」杲卿含胡而絕。

⑦遼東帽 後漢書逢萌傳「萌解冠挂東都城門歸，將家屬浮海，客于遼東。」

⑧出師表 諸葛亮有前後出師表。時亮屢出師伐魏，軍行在卽，外圖強敵，內懷冲嗣，戒慎恐懼，拜表後主，表詞慷慨壯烈，可以泣鬼神云。

⑨渡江楫 晉書祖逖傳：「渡江中流，擊楫而誓曰：『祖逖不能誓清中原而復濟者，有如大江。』」

⑩擊賊笏 唐書段秀實傳：「朱泚召秀實計事，秀實戎服與源休並，語至僭位，勃然起，執休腕，奪其象笏，奮而前唾泚面大罵曰：『狂賊可磔萬段，我豈從汝反耶？』遂擊之。泚舉臂捍笏，中額，流血纍面，匍匐走。」

言志

選文山全集

文天祥

九垓●化爲魅。億醜俘爲虜。

既不能變姓名卒於吳，●又不能髡鉗奴於魯。●

遠引不如四皓翁，●高蹈不如仲連父。●

冥鴻墮繪繳，長鯨陷網罟。

鷗燕上下爭誰何？

螻蟻等閑相爾汝。

狼藉山河歲云杪，

飄零海角春重暮。

百年落落实涯盡，

萬里遙遙行役苦。

我生不辰逢百罹，

求仁得仁尙何語？

一死鴻毛或泰山，

之輕之重安所處？

婦女低頭守巾幗，

男兒嚼齒吞刀鋸。

殺身慷慨猶易免，

取義從容未輕許。

仁人志士所植立，

橫絕地維屹天柱！

以身殉道不苟生，

道在光明照千古！

素王不作春秋廢，

獸蹄鳥跡交中土。

閔位適在三七間，

禮樂終當屬真主。

李陵^①衛律^②罪通天，

遺臭至今使人吐。

種瓜東門不可得，^③

暴骨匈奴固其所。

平生讀書爲誰事？

臨難何憂復何懼！

已矣夫，易簣不必如曾參；^④結纓猶當效子路。^⑤

(注)●九垓 九天之際曰九垓，言窮極高遠也。●變姓名卒於吳

漢書梅福傳：「王莽顯政，福一

朝棄妻子，去九江。至今傳以爲仙。其後，人有見福于會稽者，變姓名爲吳門市卒。」●髡鉗

奴於魯 前漢書季布傳：「高祖購求布千金，布匿潁陽周氏，周氏乃髡鉗布，衣褐，置廣柳車中

，之魯朱家所賣之。」按剃髮曰髡，以鐵束頸曰鉗，髡鉗，本古之刑法。季布於嚴緝中逃亡，乃化裝以避耳目也。④四皓 漢初隱士：東園公，綺里季，夏黃公，甪里先生，稱南山四皓。

⑤仲連父戰國齊人。高蹈不仕，喜爲人排難解紛。遊於趙，秦圍趙急，魏使新垣衍請帝秦，仲連義不許，秦軍爲卻。後田單言於齊王，欲爵之，連逃於海上。⑥李陵 廣孫，字少卿，善騎射，

愛人下士。會匈奴來犯，陵自請願以少擊衆，自當一隊，遂將步卒出居延北，行三十日至凌稽山

，與單于相值，數敗之，擊殺數千人，虜不利，欲去；矢且盡。會軍候管敢爲校尉所辱，亡降匈奴，言陵軍無後援，單于使騎並攻，陵力竭降。帝聞之，族陵家。單于壯陵，以女妻之，立爲右

校王，在匈奴二十餘年卒。⑦衛律 父本胡人，生長於漢。與協律都尉李延年善，以延年薦，

使匈奴，還，會延年家被誅，律懼，亡降匈奴，匈奴愛之，以爲丁靈王。⑧種瓜東門 史記蕭

相國世家：「召平者，故秦東陵侯，秦破，爲市衣，貧，種瓜於長安城東，瓜美，故世俗謂之東

陵瓜。」⑨易簣 曾子將死，因寢席之非禮，命曾元等舉扶而易之，反席未安而歿。事見禮檀

弓。⑩結纓 左傳：「子路曰：『君子死，冠不免』」結纓而死，」

特種國文選

詩詞曲

過零丁洋

選文山全集

文天祥

艱苦遭逢起一經，

干戈落落四周星。

山河破碎風拋絮，

身世飄搖雨打萍！

皇恐灘頭說皇恐，

零丁洋裏歎零丁。

人生自古誰無死？

留取丹心照汗青！

(注) ●零丁洋 亦作伶仃洋，在廣東珠江口。當寶安縣南，曰內零丁洋；在香港南，曰外零丁洋。

特種國文選
詩詞曲

自舉師未克與二三同志怏怏不平賦此

張家玉

落日南關且笑歌，肯將壯士竟蹉跎？丈夫不作尋常死，縱死常山舌不磨。

軍中夜感

張家玉

慘淡天昏與地荒，西風殘月冷沙場。裹尸馬革英雄事，縱死終令汗竹香。

夜走博羅

張家玉

舉目烽烟黯自傷，胡笳吹處似邊方。真同喪狗生無賴，縱比流螢死有光。力盡張良虛博浪，時窮許遠失睢陽。當存百煉堅金志，捲土重來未可量。

感遇

張家玉

顛倒蒼蒼亦可憐，江山何地是安然？宵行秣馬傳餐食，夜宿連營抱鼓眠。雪寒梅直我瘦，冰心酷月爲誰圓？從今一斗孤忠血，總化春山哭杜鵑！

營中晚坐

張家玉

轅門坐冷夜悠悠，燐火低飛笑兒幽，萬里山河悲戰角，百年身世負虛舟。羶腥我抱淪胥痛，冠履誰甘倒置羞！欲借朱雲當日劍，奮來高斬佞臣頭。

（注）●張家玉字元子，東莞人，崇禎進士，工詩，唐王時，召授編修，兼給事中。李成棟陷廣州，

家玉毀家招兵，據東莞，與陳子壯想應，兵敗墜水死。●朱雲漢平陵人。成帝時爲槐里令，上

書願借上方劍斬佞臣張禹。帝怒，欲斬之。雲攀折殿檻大呼：『臣得從龍逢比干游地下足矣。』

帝赦之。

倭無敵●

萬斯同●

倭何猛，猛無敵，數十倭奴橫中國。官兵如鳥倭如鷗，一鷗奮翅羣鳥伏。長驅千里無留行，敢向金陵犯帝京。帝京禁軍數十萬，司馬下令惟守城。官兵飛矢矢何疾，矢來不動還手接。殺人如草不聞聲，百城將士惟洒泣。倭何猛，我何怯，數十倭奴已若斯。千乘萬騎嗟何及！不見此倭勦滅時，海上元戎猶奏捷。

選自新樂府詞

王江涇●

萬斯同

張尙書，王江涇上勦倭奴，倭奴勦絕無遺餘。東南戰功稱第一，中華兵氣從此舒。膚功一奏應重錫。廟堂自有賞功格。有功不賞人已悲，何況功成膺大辟？張尙書，爾師大捷還受誅，爾師不捷將何如？自古大冤甯有此，街童里婦猶嗟吁。

。朝廷功罪何顛倒，謗書騰布由胡趙。一思攘位一攘功，功不能明身不保。張尙書，爾誠愚，師中殺賊何其勇，君側防奸何其疎？恨不早將殺賊手，中外羣狐盡掃除！

築邊牆^(四)

萬斯同

秦人備胡築長城，長城一築天下傾。至今笑齒猶未冷，豈知明人防北狄，專藉築城爲長策。不日長城曰邊築，紛紛無時息。東方初報牆功完，西方又傳虜寇邊。虜入潰牆如平地，縱橫飽掠無所忌。虜退復興版築功，朝築暮築竟何利？帥臣徒受內府金，川原空耗司農費。我聞漢人卻虜得陰山，匈奴不敢窺幽燕。又聞唐人踰河築垣牆。屢朝廟算皆如此，奈何獨笑秦始皇！

注

●原注：嘉靖中，有倭奴數十，遭風破舟，流劫內地，所至人莫敢攬。自浙歷徽州寧國，太平，直犯金陵，閉城者三日，復由鎮江，常州抵蘇州，始被剿絕。

●萬斯同，字季野，清歸安人。

學者稱貞文先生。有石園詩文集及歷代史表數十種。明史稿五百卷，皆其手定。③原注：嘉靖

中，倭奴擾東南，總督尚書張公經大殲之於王江涇。捷聞，遽入論死。時視師侍郎趙文華與監軍御史胡宗憲，皆欲攘其功，而授宗憲以總督，乃騰謗於朝。內閣嚴嵩主之，故有此獄。張公竟伏尸西市。④原注：萬歷元年三月，築宣府北路諸邊牆，明年二月築遼東西臺牆，四年三月復築薊州昌平諸邊牆，十年二月又築山西諸邊牆。

特種國文選
詩詞曲

臺灣行^①

黃遵憲^②

城頭逢逢雷大鼓，

當初版圖入天府，

我高我曾我祖父，

糖霜茗雪千億樹，

天胡棄我天何怒？

眈眈無厭彼碩鼠，^③

亡秦者誰三戶楚，^④

成敗利鈍非所覩，

萬衆一心誰敢侮，

今日之事無他語，

蒼天蒼天淚如雨，

天威遠及日出處。

艾殺蓬蒿來此土。

歲課金錢無萬數。

取我脂膏供仇虜。

民則何辜罹此苦。

何況閩粵百萬戶？

人人效死誓死拒。

一聲拔劍起擎柱。

有不從者手刃汝。

倭人竟割臺灣去！

堂堂藍旗立黃虎，

傾城擁觀空巷舞。

黃金斗大印繫組，

直將總統呼巡撫；

『今日之政民爲主，

臺南臺北固吾圉，

海城五月風怒號，

飛來金翅三百艘。

追逐巨艦來如潮；

前者上岸雄虎彪，

村田之銃備前刀，

當輒披靡血杵漂。

神焦鬼爛城門燒，

誰與戰守誰能逃。

一輪紅日當空高，

千家白旗隨風飄。

搢紳耆老相招邀，

夾跪道旁俯折腰。

紅纓竹冠盤錦條，

青絲辮髮垂雲髻。

六

跪捧銀盤茶與糕，

綠沉之瓜紫蒲桃。

『將軍遠來無乃勞，

降民敬爲將軍導。』

不許雷池越一步！』

後者奪關飛猿獠。

將軍曰『來呼汝曹，

汝我黃種原同胞。

延平郡王人中豪，

實關此土來分茅。

今日還我天所教，

國家仁聖如唐堯。

撫汝育汝殊黎苗，

安汝家室毋曉曉。

將軍徐行塵不囂，

萬馬入城風蕭蕭。

嗚呼將軍非天驕，

王師威德無不包。

我輩生死將軍操，

敢不歸依明聖朝。

噫嘻！悲乎哉，

汝全臺！

萬事反覆隨轉睫，

平時戰守無預備，

昨何忠勇今何怯？
曰忠曰義何所恃！

(注)●參第二組割臺記。

●見後旋軍歌注。

●碩鼠

詩魏風：「碩鼠碩鼠，無食我黍。」碩鼠，刺

重斂也。

●三戶

史記：「楚雖三戶，亡秦必楚。」按戶，指戶口言，謂楚人滅亡，至於僅存三

戶也。

●雷池

大雷水至望江縣，積而爲池，謂之雷池。晉庾亮報溫嶠書：「足下無過雷池一

特種國文選 詩詞曲

四二

步。」

④雲髻 髻，髻後垂也。亦曰燕尾。

⑤延年郡主

明末，鄭成功據臺灣，桂王封爲延

平郡主。

⑥嘒嘒

詩：「予維音嘒嘒。」箋：音嘒嘒然，恐懼告訴之意。

⑦天驕

漢書：「

胡者，天之驕子。」

哭威海

選同仇集

黃遵憲

臺南北，若脣齒；口東西，若首尾；劉公島，中間峙。嗟鐵圍，薄福龍；龍偃屈，盤之中，海與陸，不相容。敵未來，路已窮；敵之來，又夾攻。敵大來，先拊背；榮城摧，齊師潰。南門開，犬不吠；金作臺，須臾廢。萬鈞砲，棄則那！●砲擊船，我奈何！船資敵，力猶可；砲資敵，我殺我；危乎危，北山嘴；距南臺，不尺咫；十里牆，薄如紙；李公睡，戴公死。寇深矣，事急矣，磨海軍，急上臺，雷轟轟，化爲灰。山號跳，海驚猜，擊者誰？我實來！南復北，臺烏有；船子子，●東西口。天大雪，雷忽發，船蔽裂，龍見血，●鬼夜哭，船又覆。地日蹙，龍局縮。壞者撞，傷者鬥，破者沉，逃者走。

噫吁嚱，海陸軍！人力合，我力分，如螻屈，●不得申；如鬥雞，不能羣。毛中蟲，自戕身；絲不治，絲愈焚；火不戢，火自焚；遁無地，謀無人。天蓋高

，天不聞；四援絕，莫能救；卽能救，誰死守？砲未毀，人之咎；船幸成，付誰某？十重甲，顏何厚！

海漫漫，風浩浩。⑦龍之旗，望杳杳。大小李，⑧愁絕倒，巍然存，劉公島。

(注) ①見第二組威海衛稽師記。

②福龍 卽福龍艇。

③棄則那

春秋宋華元兵敗，囚於楚，逃歸

，城者譴以譏之。華元使驂乘答之曰：「棄甲則那？」那，猶言奈何也。

④子子 言小也。韓愈

文：「子子爲義。」

⑤龍見血

易經坤卦：「龍戰於野，其血玄黃。」象曰：「龍戰於野，其道

窮也。⑥蟻屈 易經：「尺蠖之屈，以求信也。」尺蠖，蛾類之幼蟲。信，借作伸。

⑦浩浩

水大貌。書「浩浩滔天。」

⑧大小李

圖繪寶鑑：「世稱思順爲大李將軍，昭道爲小李將軍。」李

思順唐宗室，善畫金碧山水，人以其爲左武衛大將軍，故稱李將軍。子昭道亦以山名，故稱小李

將軍。此蓋指李鴻章及其子經方也。

軍中歌

黃遵憲

(一)

堂堂堂堂好男兒，最好沙場死。
艾炙眉頭瓜噴鼻，誰實能逃死？●
死只一回毋浪死，死！死！死！

(二)

探穴直探虎穴●先，何物是險艱？
攻城直攻金城堅，●送能漫俄延？
馬磨馬耳人磨肩，前！前！前！

(注) ●艾炙眉頭 隋書麥鐵杖傳：「遼東之役，鐵杖請爲前鋒，願醫者吳景賢：大丈夫性命自有所在，豈能艾炙炷額，瓜蒂噴鼻，治黃不差，而臥死兒女手中乎？」 ●虎穴 後漢書班超傳：「超

特種國文選 詩詞曲

四六

謂其官屬曰：不入虎穴，不得虎子。當今之計，獨有因夜攻虜，虜可殄滅也。」

◎金城

漢書

：「金城湯池，不可攻也。」

旋軍歌

二首

黃遵憲

(一)

金甌●既缺完復完，全收掌管權。
臙脂●失色還復還，一掃勢力圈。
海又東環天右旋，旋！旋！旋！

(二)

秦肥越瘠●同一鄉，併作長城長。
島夷索虜同一堂，併作強軍強。
全球看我黃種黃，張！張！張！

(注)●黃遵憲，廣東梅縣人。清道光二十八年生，光緒三十一年卒。(一八四八—一九〇五)曾以舉人隨使日本，並爲新嘉坡，舊金山二處總領事。居外久，故能洞察內外國情，著有日本國志四十

卷，人境廬詩草一卷。詩多憂時感事，悲憤伊鬱之作。而日本國志中所言日本維新之效之可畏，證以日本現在對我國之橫暴，其言尤有先見之明云。他底詩如流求歌台灣行諸篇，都已選入本書第二冊，可參讀。●金甌 南史：我國家猶若金甌，無一傷缺。●麟脂 亦作燕支，焉支。焉支山在今甘肅山丹縣。匈奴歌曰：「失我焉支山，使我婦女無顏色。」●秦肥越瘠 韓愈文：「若秦人視越人之肥瘠。」

弔吳烈士樾

秋瑾

崑崙一脈傳驕子，二百餘年漢聲死，低頭異族胡衣冠，腥膻污人祖宗恥。忽地西來送警鐘，漢人聚哭崑崙東，方知今日豚尾子，不是當年漢大風。裂眦嚙指爭傳檄，大叫同胞聲激烈，積恥從頭速洗清，還我堂堂黃帝裔。大江南北羣相和，英雄爭挽魯陽戈，盧梭文筆波蘭血，拚把頭顱換驍歌。年年歲月駒馳隙，有漢光復總無策。志士奮叫東海東，胡兒虎距北京北。若我同胞意未同，從無流血嘆無功。提防家賊計可酷！憤起英雄出皖中。皖中有志名吳樾，百鍊鋼腸如火熱；報仇直以酬祖宗，殺賊計先除翼。爆血同拚殲賊臣，男兒愛國已忘身，可憐懜懜天意瞽，致使英雄志未伸。電傳噩耗風潮聳，同志相顧皆色動。打破從前奴隸關，驚回大地繁華夢。死殉同胞剩血痕，我今痛哭爲招魂。前仆後繼人應在，如君不愧軒轅孫。

失題

選秋瑾女俠遺集

秋瑾

——應題黃海舟中日人索句並見日俄戰爭地圖——

萬里乘風去復來，隻身東海挾春雷。

忍看圖畫移顏色；忍使江山付劫灰？

濁酒不銷憂國淚，救時應仗出羣才。

拚將十萬頭顱血，須把乾坤力挽回！

（注）

●吳烈士櫛字孟俠，安徽桐城人，熱心革命。光緒三十一年八月，載澤，端方，紹英，戴鴻慈

，徐世昌五大臣，奉使出洋，考察歐美政治，櫛以炸彈襲擊之於車站，載澤，紹英受傷，餘皆無恙，櫛被難而死。

●秋瑾字澹卿，并競雄，別署鑑湖女俠，浙江山陰人，工詩文詞，爲人豪邁

爽俠，倜儻有大志。長適湘潭王廷鈞。庚子之役，女俠受刺激甚深，乃脫離家庭，東渡求學；赴日之後，加入同盟會，歸國後創辦中國女報，開通女界風氣。尋回紹興，長明道女校，及大通學堂，時徐錫麟方在皖圖大舉，女俠亦往來江浙，部署其衆，得數千人，編爲八軍，以徐爲首領，彼副之。後徐在皖舉義失敗，女俠在浙被捕殉難，年三十三。

遼甯月色

林風

冷風在四下裏號叫，

夜好像充滿了悲哀和激昂。

我站在雪白的月亮地裏，

一個陰影遮在我的心上。

這裏是黑暗的殖民地，

到處是被壓迫者的苦惱。

強盜扼緊了大眾的咽喉，

魔鬼把人血吸個盡飽。

可是世界總會變形，

被壓迫者已經起來拚命。

義勇的軍隊可以殺盡，

殺不盡的是無數苦惱的人民。

x

x

x

我在月亮地裏獨自兒想，

一個陰影遮在我的心上。

再皎潔的月色也不值誇耀

除非是被壓迫者真得了解放。

(註) ●林風，現代作家，餘待詳。

在蘊藻浜的戰場上

陳夢家

在蘊藻浜的戰場上，血花行行。

問着新鬼的墳墓開開在雪泥上；

那兒歇着我們的英雄——靜悄悄

伸展着參差的隊伍——紙幡兒飄。

蒼鷹，紅點的翅尾，在半天上弔喪。

× × × ×

現在躺下了，他們曾經挺起胸膛，

向前衝鋒，他們喊，喊殺，他們中傷：

殺了人給人殺了，現在都睡倒

在蘊藻浜的戰場上。

x x x x

『交給你，像火把接着火，我們盼望，
盼望你收回來我們生命的死亡！』

拳曲的手握緊炸彈向我們叫：

『那兒去，那兒去，聽我的警號！』

拳曲的手煊亮着一把一把火光。

在蘊藻浜的戰場上。

選自在前線

(註) ●陳夢家，江蘇太倉人，有夢家詩集及新月詩選等編著。

軍歌

羅家倫

——獻給前線抗日將士——

一

中華男兒血，

應當灑在邊疆上。

不管雪花湧，

不怕朔風狂，

我有熱血能抵當。

砲衣褪下，

刺刀擦亮。

衝鋒的號響！

特種國文選 詩詞曲

衝！衝過山海關，

雪我國恥在瀋陽！

×

×

中華男兒，

義勇本無雙。

爲國流血國不亡！

抵抗！抵抗！

沙場凝碧血，

盡放寶石光，

照着民族生路上，

燦爛輝煌！

二

中華男兒血，

應當灑在邊疆上。

飛機我不睬，

重砲我不慌，

我抱正義來抵抗。

槍口對好，

子彈進膛

衝鋒的號響！

衝！衝到鴨綠江

雪我國恥在平壤！

x

x

中華男兒

特種國文選

詩詞曲

義勇本無雙。

爲國流血國不亡！

抵抗！抵抗！

凱旋作國士，

戰死爲國殤，

精忠常耀史冊上，

萬丈光芒！

馬賽革命歌

黎士禮●作
劉復譯

一

我祖國之驕子，趣赴戎行！今日何日，日月重光。暴政與我敵，血旆已高揚。君不聞四野賊兵呼噪急，欲殲我衆，欲殲我妻我子以勤王？我國民，秣爾馬，厲爾兵，整爾行伍，冒死進行。瀝彼穢血以爲糞，用助吾耕。

二

爲問保王黨④，爲問民賊與奴兒；若曹竊弄威權久，今後獾獾猓猓④將何爲？爲問桎與梏，爲問綆與縲；置汝非一日，置汝究爲誰？嗚呼！人誰不爲己，法人甯甘奴隸死！豈曰徼幸可成功，忍無可忍乃出此。丈夫生當有所爲，破除奴制自吾始。我國民，秣爾馬，厲爾兵，整爾行伍，冒死進行。瀝彼穢血以爲糞，用助吾耕。

三

暴力奴我體，安能殲我之精誠。烏合億萬衆，豈敵什一義勇兵。赫赫兮上帝，昊昊兮蒼天，凡我志士，誓死直前！縱使敗衄，不願瓦全。毒魔之運旦夕盡，吾民甯久困於倒懸。我國民，秣爾馬，厲爾兵，整爾行伍，冒死進行。瀝彼穢血以爲糞，用助吾耕。

四

告爾暴君，爾應戰慄。爾厲爾國，僇爾無恤。爾暴虐國人，終當害爾身。吁嗟乎！執戈之士齊臨爾，爾不自焚終磔死。不幸義兵有敗時，前仆後起無底止。法蘭西國世產英雄，英雄之刃齊向暴君指。我國民，秣爾馬，厲爾兵，整爾行伍，冒死進行。瀝彼穢血以爲糞，用助吾耕。

五

法蘭西之勇士，法蘭西之英豪，揮爾快劍，誅彼羣妖。脅從之衆當憐恕，王

黨巨憖①何處逃。王黨甘吾血，布雷②助逆鑽吾骨；凡此豺虎惡且兇，吾劍當洞若曹胸。我國民，秣爾馬，厲爾兵，整爾行伍，冒死進行。瀝彼穢血以爲糞，用助吾耕。

六

耿耿愛國忱，導我赴行伍，將此擁護自由心，奮身進殺豺與虎。欲問人道主義何時揚，但看軍旗十丈隨風舞。吁嗟乎！我敵已屈垂卒時，爾其徐死，一觀域中勝敗竟何如。我國民，秣爾馬，厲爾兵，整爾行伍，冒死進行。瀝彼穢血以爲糞，用助吾耕。

轉錄文學與革命

(注)① *Ta Marseillaise* 或譯馬賽曲。一七九二年，法國大革命時，馬賽地方的革命軍，沿途高唱此

歌，直達巴黎。② *Isle* (1760—1836)，法國軍人兼歌唱家。此歌作者於一七九二年四月二十

四日，竭一夜之力成之。③飼牛馬的禾草，此作飼養能。④法國革命時，議會中分保王黨，

溫和共和黨，過激共和黨等三派。保王黨主張王政立憲，仍奉路易十六爲王，與過激黨爭鬥最烈。後來過激黨勢盛，盡捕保王黨置諸獄，大行殺戮，而路易十六亦處死於斷頭臺。⑤ 糶裸，本蠻族名，這裏借作鬼蜮的意思。⑥ 分裂肢體謂之磔。⑦ 巨憖。謂民衆所痛疾之大奸大惡。⑧ Pouille，保王黨組閣時爲財政大臣。

六州歌頭

張孝祥

長淮望斷，關塞莽然平。征塵暗，霜風勁，悄邊聲，黯銷凝。追想當年事，殆天數，非人力。洙泗上，絃歌地，亦殫腥。隔水氈鄉，落日牛羊下，區脫縱橫。
看名王宵獵，騎火一川明。笳鼓悲鳴，遣人驚。念腰閒箭，匣中劍，空埃蠹，
竟何成！時易失，心徒壯，歲將零。渺神京，千羽方懷遠，靜烽燧，且休兵。
冠蓋使，紛馳騖，若爲情。聞道中原遺老，常南望，翠葆霓旌。使行人到此，忠
憤氣填膺，有淚如傾。

選自詞綜

(注) ●張孝祥，字安國，宋歷陽人，有于湖居士集。

賀新郎

別茂嘉十二弟

辛棄疾 ●

綠樹聽鶯鳩。更那堪、杜鵑聲住，鷓鴣聲切。啼到春歸無啼處，苦恨芳菲都歇。算未抵人間離別。馬上琵琶關塞黑，更長門翠輦辭金闕。看燕燕，送歸妾。
將軍百戰身名裂。向河梁，回頭萬里，故人長絕。易水蕭蕭西風冷，滿座衣冠似雪。正壯士悲歌未徹。啼鳥還知如許恨，料不啼清淚長啼血。誰伴我，醉明月？

選自詞綜

特種國文選
詩詞曲

雨中花

懷劉改之

蘇洞

十載尊前，放歌起舞，人間酒戶詩流。盡期君凌厲，羽翮高秋。世事幾如人意，儒冠還負身謀。嘆天生李廣，才氣無雙，不得封侯。榆關萬里，一去飄然，片雲甚處神州。應悵望家人父子，重見無由。隴水寂寥傳恨，淮山宛轉供愁。這回休也，燕鴻南北，長隔英游。

選自詞綜

(注)●辛棄疾(1140—1207)，字幼安，號稼軒。宋歷城人。有稼軒集，稼軒詞等，●蘇洞。字召史，宋紹興山陰人。爲詩鏗刻淬練。有冷然齋集。

特種國文選

詩詞曲

滿江紅

一選岳忠武王文集

岳飛

怒髮衝冠，凭欄處，瀟瀟雨歇。

擡眼望，仰天長嘯，壯懷激烈。

三十功名塵與土，八千里路雲和月。

莫等閒白了少年頭，空悲切。

靖康恥，猶未雪；

臣子恨，何時滅？

駕長車，踏破賀蘭山缺。

壯志，飢餐胡虜肉；笑談，渴飲匈奴血。

待從頭收拾舊山河，朝天闕。

(注)●此詞爲作者手書，摹刻湯陰廟中。

●靖康

宋欽宗年號，時徽欽二帝被金人虜去，故云靖康

恥。

●賀蘭山

在甘肅甯夏縣之西。舊說：山有楮木，青白如駿馬，北人呼駿曰賀蘭，故名。

訴衷情

選渭南文集
~~~~~

陸游

## 一

當年萬里覓封侯。

匹馬戍梁州。●

關河夢斷何處？塵暗舊貂裘。

胡未滅，鬢先秋。

淚空流。

此身誰料：心在天山，●身老滄洲！●

## 二

青衫初入九重城，

特種國文選  
詩詞曲



結友盡豪英。

蠟封夜半傳檄，馳騎諭幽并。<sup>④</sup>

時易失，志難成。

鬢絲生。

平章風月，彈壓江山，別是功名。

〔注〕●梁州 古九州之一。禹貢：「華陽黑水惟梁州。」今陝西漢中道及四川省是。●天山 一名雪

山，一名白山，在新疆境內，其最高峯達二萬五千尺。●滄州 猶言水濱，謂隱者所居也。陸

雲文：「滄州遁跡，箕山辭位。」●幽并 二地名。幽州，古十二州之一。舜分冀州東北爲幽州

，今河北遼寧二省。并州，亦古十二州之一。舜分冀東恆山之地爲并州，即河北之舊正定保定，

及山西之舊大同太原等府是。

## 夜遊宮

記夢（二首錄一）

陸游

雪曉清笳亂起，

夢遊處，不知何地。

鐵騎無聲望似水。

想關河，雁門西，青海際。

睡覺寒燈裏，

漏聲斷，月斜窗紙。

自許封侯在萬里。

有誰知，鬢雖殘，心未死。

特種國文選

詩詞曲

七四

# 水調歌頭

送草德懋大卿使虜

陳亮

不見南師久，漫說北羣空。

當場隻手。畢竟還我萬夫雄。

自笑堂堂漢使，得似洋洋河水，依舊只流東。

且復穹廬拜，會向藁街逢。

堯之都，舜之壤，禹之封。

於中應有一個半個恥臣戎。

萬里腥膻如許，千古英雄安在，磅礴幾時通？

胡運何須問，赫日自當中。

(注) ●陳亮，字同甫，宋永康人。自幼穎異，才氣超邁。隆興中，上中興五論，不報，退益力學著

書。淳熙中，更名同，詣闕上書，極言時事，帝將官之，亮卽渡江而歸。光宗策進士，問禮樂刑政之要，亮以君道師道對，光宗大悅，御筆擢爲第一。授簽書建康府判官，未之官卒。有三國紀年，龍川文集，龍川詞。

## 西江月

賀詞

劉過

堂上謀臣樽俎，邊頭將士干戈。天時地利與人和，燕可伐與？曰可。今日樓臺鼎鼐，明年帶礪山河。大家齊唱大風歌，同日四方來賀。

選自龍洲詞

## 西河

王堃

天下事，問天怎忍如此！陵圖誰把獻君王？結愁未已。少豪氣概總成塵，空餘白骨黃葦。千古恨，吾老矣！東游曾弔淮水，繡春臺上一回登，一回搵淚。醉歸撫劍倚西風，江濤猶壯人意。只今袖手野色裏，望長淮，猶二千里。縱有英心誰寄？近新來，又報烽煙起。絕域張騫歸來未？

選自詞綜

(註) ①劉過，字改之，宋廬陵人，有龍洲集，龍洲詞，②三句皆借用孟子語，以見敵人可伐。

③漢高帝既定天下，還過沛，悉召故人父老子弟佐酒，發沛中兒得百二十人，教之歌。酒酣，高祖起，自歌曰：大風起兮雲飛揚云云。④王瑩一作賧，字子文，號潛齋，宋金華人。⑤繡春

臺，未詳。⑥張鑑，漢成固人，以校尉從大將軍擊匈奴，封博望侯。

## 賀新涼

遊西湖有感

文及翁

一勺西湖水，渡江來百年歌舞，百年酣醉。回首洛陽花石盡，煙渺黍離之地。更不復新亭。墮淚。簇樂紅妝搖畫舫，問中流擊楫。何人是？千古恨，幾時洗？  
余生自負澄清志，更有誰磻溪未遇，傅巖未起。國事如今誰倚仗，衣帶一江而已。便都道江神堪恃。借問孤山林處士，但掉頭笑指梅花蕊。天下事，可知矣。

選詞綜

## 滿江紅

吳易

斗大江山，經幾度興亡事業。瞥眼處英雄成敗，底須重說。香水錦帆歌舞罷，虎邱鶴市精靈歇。尙翻來吳越舊春秋，傷心切！  
伍胥恥，荊城雪。申胥恨，



秦庭咽。羞比肩種蠹，一時人傑。花月烟橫西子黛，魚龍沫歎鴟夷血。到而今薪膽向誰論，衝冠髮。

選明詞綜

(注) ①文及翁，字時學，號本心，宋蘇州人，徙居吳興。有文集。②新亭在今江蘇江甯縣南。一

名勞勞亭，亦曰臨滄觀，吳時築。東晉初諸名士每游宴於此。③晉，祖逖，字士雅。元帝時，

爲豫州刺史。渡江擊楫，誓曰：『不清中原而復濟者，有如此江！』④礪溪，在今陝西寶雞縣

東南。呂氏春秋謂呂太公釣隱於此。⑤傅巖，在今山西平陸縣東。史謂殷高宗得傳說於此。

⑥林逋，字君復，號和靖，宋錢塘人。嘗結廬於西湖之孤山，約梅爲伴。⑦吳易，字日生，明

吳江人。崇禎官尚書。明亡殉節。有南湖倡和詞。

# 滿江紅

任中敏

還我河山！指落日，椎胸泣血；  
存一息，此仇必報，子孫踵接。  
魂魄縈迴遼海闊，精誠呵護榆關密！  
撫金甌，缺處幾時完？心如熱。

公理勝，何能必？頭顱好，甯虛設！  
便空拳赤手，也撓強敵。  
我有男兒三百兆，人人待立千秋業！  
聽神獅雄吼亞東時，君休怯。

特種國文選  
詩詞曲

## 黨 獄

梁啓超

(外扮尼布士●國宰相，末扮撒的尼亞●宰相上。)(外)還他笑罵總何妨？  
(末)換我「南柯夢」<sup>(四)</sup>一場。(外)無量頭顱無量血，(末)爲他人作嫁衣裳。(同  
坐介：)我等今日受梅特涅●公相之命，會審燒炭黨逆徒，則須早到伺候。(淨  
扮梅特涅上。)(熱燄熏天可炙手，殺人如草不聞聲。老夫梅特涅，自從維也納會  
議之後，與俄普兩皇結神聖同盟，合力壓制民權，藉以長保富貴。五年以來，內  
外交謐，叵耐意大利燒炭黨小醜，不安本分，攪動波瀾。去年竟在尼布士帕特門  
倫巴的撒的尼亞各地方，同時蠶起，意欲從我與人手中，奪回權利，發布憲法，  
做個自由自主的人民。(冷笑介：)非是老夫誇口，你們意大利人，只算是生前注  
定命裏帶來的奴才身分罷了。你們祖宗，作了我家奴才，已幾百年，難道今日，  
倒要不服勁嗎？況且你們那豪門貴冑，做官讀書的上等人物，個個都做了我家吮

癰疽，一呼百諾的孝順兒孫，爾等螳臂當車，豈非飛蛾送死？（大笑介：）你看老夫，出小小手段，早已叫他們自己殺起自己來。一語指揮，大局平定。前後拿到逆黨一千餘名，今日老夫要親自拷訊，并檄調尼布士撒的尼亞兩國宰相，齊來會審，一來顯顯俺的風，二來假手意大利本族人，叫他自己殺個乾淨。正是任伊從前瞎說人權貴，要你今日真知獄吏尊。（外末迎見介。）（淨中坐，外末旁坐介。）（外末）老公相到了，就此開審，警官那裏？（雜）有！（外末）將那犯人十個一排，挨次帶上。（雜）曉得。

（雜帶丑小旦等十人蓬頭跣足披枷帶鎖上。）

（秋夜月）（丑）是男兒自有男兒性，霹靂臨頭心魂靜。由來成敗非由命，將頭顧送定，把精神留定。

兄弟們，我們得做意大利第一次流血的人物，天公待我不薄，須是轟轟烈烈，不要垂頭縮尾，墮喪了國民志氣者！（小旦）正是，我們今日的言語舉動，都要

替意大利人造下一個大大紀念，播下一個大大種子來。

(前調)(小旦) 軒沈沈睡虎千年暝，教我羅袂生寒芳心警。一聲兒晨鐘吼得人深省；將奸奴罵醒，把國民喚醒。

(同見淨外末直立怒視介。)(淨拍驚堂介：)爾等不服國法，同造逆謀，今日被我拿到，有何話說！  
(丑) 說是有說的，你請定了你的耳神來聽者。

(混江龍) 我是爲民請命，將血兒洗出一國的大光明。便今日拚着個衰弘④血三年化盡，到將來總有那精衛⑤冤東海填平。只有你這老滑賊啊！倚仗著千百年將絕未絕的民賊餘燼，結下了億萬人欲殺未殺的怨毒分明。你那外交政策，是要獻媚列強，演出一手遮天大本領。你那內治經綸，是要挫抑民氣，做到十層地獄老閻靈。你在匈牙利是一個殺人不眨眼的劊子手。你在日耳曼，是個兩頭兒搗鬼的妖魔星。就是在你與意大利本國啊！你便假假地興些教育，也是束縛言論自由，思想自由，出版自由，教那青年子弟，奄奄齷齷無生氣，你更狠狠地講求軍備，添出許多納

稅義務，當兵義務，守法義務；卻把人民權利，椿椿件件剝光精。政談會，是你三生九代的仇敵；新聞紙，是你鯁喉礙眼的刺釘。黃白金，是你棺材裏心兒肉兒的親眷；大小官，是你鋪子上高些低些的天秤。逆着你來，便玉石同燼；順著你來，又雞犬不甯。你還把我意大利祖國，當作乃翁傳下的遺產十一萬方里；把我意大利同胞，認做拿錢買下的奴才三千萬多名。你目下自然是熱烘烘的尊榮安富，你將來總有日黑魃魃的罪惡盈貫！到那時候啊！千刀王莽②，刺盡你的臭皮袋；三家崑尤③，礮透你的惡魂靈！你的頭，便是千人共飲的智搖器④；你的腹，便是永夜長明的董卓燈⑤。則那全歐洲人民，懸綵旗，放花爆，歡呼著民權萬歲，便有耶華和天使，插雙翼，下塵寰，高叫到天下太平。我是播散自由的五瘟使，我是點明獨立的北辰星。今日裏盡了我的責任，驂鸞歸去；他日啊，飛下我的精神，搏虎功成。坦蕩蕩橫刀向天笑，顛巍巍旁人何用驚？

（淨）好毒罵，我其實聽不得了。左右快與我拿下這厮砍了去罷！（雜扶丑下。）（外末喚介）你們卻有

甚麼辯訴來？（小旦）辯訴是不辯訴，話卻多着呢。

（調前）我是工愁善病，那世間兒女第一多情。我看不過那蜣螂似的腐敗生涯，故此蹙梅顰顰蛾眉，捧心無限啼紅怨。我受不慣那牛馬似的壓制痛苦，故此損腰圍，懶茶飯，疾首時聞嬌喘聲。可恨你們這些狗奴才啊！將累代仇人認做重生的父母，把一國同胞當做上供的犧牲。任你踐你土，食你毛，還說是深仁厚澤；你便舐他癰，吮他痔，圖博個頂戴身榮。（指梅特湜介：）他本是個異族兒，也難怪舞爪張牙，迫得我上國憤泉秋沸。（指陪審兩相介：）虧你是個神明胃，卻跟著然箕羹豆，煎得那同根瓦釜雷鳴。他是蛇，你便是豢蛇自噬的人妖。他是虎，你便是爲虎擇肉的佞靈。你的辣手段，靠著那厚面皮天生惡煞。你的黑心肝，映着那白鬍子異樣鮮明。你只要護得那一頂烏紗，怕甚麼呼牛應牛，呼馬應馬。你更使慣着那兩條火腿，少不免賊多從賊，兵多從兵。待與你講廉恥，叵耐你是慣倚門的楊花水性。待與講利害，叵耐你是未鑿竅的頑石無靈。與你講天理人情，叵耐你是動物



學上涼血部類的老龜鼈。與你說宗邦祖國，叵耐你是巫來由種認人爲父的小螟蛉。你的毒種，好像疫蟲兒傳染徧地。你的威風，好像瘦狗兒恐嚇羣盲。惹得一國上人心死盡，便以塚中枯骨，弄得千年來國威墜落，變做井底銀瓶。我氣不過那百千萬沒臉兒郎辱沒鬚眉受巾幘，我便沖起那三千丈無明業火，辜負香衾事血腥。我是個嬌滴滴的閨秀兒，生來不解道夫壻封候怨。我貪着蟲蟲裂裂的從軍樂，夢裏顧不得爺孃喚女聲。我要將紅粉兒砌成那國民基礎，我便把爆藥兒炸開那世界文明。今日裏，拚着個頸血兒濺汚桃花扇。十年後，少不免精魂兒再生牡丹亭。坦蕩蕩橫刀向天笑，顫巍巍旁人何用驚？

(淨)我還有些公事，要先走一步了。(外末拱介：(淨下)。(外向末介：)罵是罵得很，卻真說着我們心坎的毛病，我聽著由不得一陣陣聞臉紅耳熱起來。(末)可不是嗎？卻是我們廿載螢窗，十年手版，好不容易捱到今日這個地位。難道任着這些人胡鬧，摔破了我們飯盃不成！(外)少不免昧着良心，將他們定個死罪，回覆老公相罷了。(末)正是(同吩咐介：)左右將這廝們，帶往死囚牢中，俟明日陸續審定，一齊取

決。(雜)是。(外末下)(小旦)兄弟們，我們抖擻精神，趕上首領哥哥的英魂，同赴天國則箇，正是

白馬胥潮夜夜聲，  
人豪初死鬼雄生。

吾看今夕搖臺上，  
風雨何曾敗月明！

(雜帶小旦等九人同下。)

(注)

●梁起超，廣東新會人。著有飲冰室全集。

●尼布士。

●撒的尼亞，均奧國部落。

●唐

李公佐作南柯記：略言淳于棼夢至槐安國，國王妻以女，令爲南柯太守，備極榮顯，遣其歸，既醒，尋槐下穴，見有蟻在其中。所謂南柯郡者，槐樹南枝下之蟻穴也。後人謂夢爲南柯。

Mettesnich(1773-1839)奧外交家。一八〇九年任奧首相，一八一五年任維也納會議議長。旋結

英、奧、俄、普、四國同盟，以恢復歐洲舊狀爲共同政策，極力擴張君權，抑制人民干涉外國亂

事。●褒弘，周敬王大夫。晉范中行之難，褒弘與焉。一說周靈王時人，能招致神異，時異方

貢玉人石鏡，褒弘言於王，謂爲聖德所招。周人以褒弘幸媚而殺之，流血成血，不見其尸。

精衛，海邊小鳥。常銜西山木石以填東海。又稱炎帝女溺死，化精衛。●後漢書王莽地皇四年

，已酉，城中少年朱弟張魚等數千人，起兵攻莽，燒作室，斧敬法闕，商人杜吳殺莽漸臺之上，校尉公賓，就斬莽首。

⑨「三塚蚩尤」未詳。

⑩見戰國策，及本書第三冊二九篇本文。

⑪董卓，後漢臨洮人，字仲穎，王允誘卓將呂布殺於長安，尸於市。卓素充肥，守尸吏燃火置卓臍中，光明積日。

⑫見王昌齡閨怨詩。

⑬見梁橫吹曲辭木蘭詩。

⑭桃花扇清孔尚任作。明

季名妓李香君既許身於侯方域，權貴田仰謀奪之，香君堅拒，血濺扇面。楊文驄因血點畫成桃花

一枝故書名曰桃花扇。

⑮牡丹亭，明湯顯祖撰。亦名還魂記。記杜麗娘與秀才柳夢梅事。

⑯

白馬，津名，在滑縣北。此處借用。胥潮亦作胥濤。舊說伍子胥爲濤神，故號「胥濤」。

# 俠情

梁啓超

（生扮瑪志尼墨衣學生裝上。）

（臨江仙）萬卷撐腸何用處，哀哀亡國遺民，江山寥寂鎖愁雲。斜陽看雁去，無語獨露巾。

（采桑子）十年悔學雕蟲技，有甚情懷，有甚情懷，掩卷故聞杜宇啼。千年故國今誰主？吟也淒迷，夢也淒迷。一髮中原日已西。小生瑪志尼，表名金士披。意大利國志挪亞人也。系出清門，家承通德，不幸先君早世，兄弟無人，怙恃營堂，夙承教育。自從十三歲入市立大學，今年十七，卒業有成。精寧哲理之科。篤信唯心之論。屠龍伎倆，未還滄海之珠；倚馬文章，空貴洛陽之紙。每念我意大利自羅馬失鹿以後，朝秦暮楚，五裂四分。同種仇讎，生民塗炭。痛雌風之不競，爲大國羞；入豚豕以誰憐，謂他人母。自古道：哀莫哀於無國，病莫病於喪心。小生雖在髫齡，頗知國恥。撫今懷古，感物易哀。獨恨閱歷未深，補救無術。因

作國喪紀念，常著深墨衣冠。等奉士之悲秋，向歡場而掩淚。少年同學，相言某是狂生；大人先生，僉曰此子可惜。（歎介）：咳！你這朝菌蟪蛄①一流，怎知道我傷心人，別有懷抱也。今日乃係來復休學之期，母親約定，攜俺前往海濱游耍，以遣情懷。只得收拾奇愁，強爲歡笑，預備陪侍則個。

（懶畫眉）忍淚吞聲做個詞人，零落鄉關深閉門。要將心血洗乾坤。來日天難照，暫收拾雄心消好春。

（作更衣脩容介）：（老旦上）。

（前調）縈緯淒涼歷劫塵，臨睨宗周常苦辛。仲謀有子未全貧。漆室②憂宗國，名山畏後生。孩兒那裏？（生整衣迎介）：（以吻接老旦額介）：孩兒正此更衣，待往伺候母親，不知母親早申來了。（老旦）就此同往罷。日遠長安近，且攜著乳虎空山嘯暮雲。

（同循海濱行介）：（老旦）你看這泱泱雄壯的地中海，僧們意大利也曾握過這海上大權來。（生點頭微歎介）：（外扮巨人，車長七尺，氣宇嚴整，冠服藍縷上。）

（破齊陣）戴著頭顱且住，嘔餘血淚難聞！乞食王孫，吹簫公子，累得英雄

才盡。都只言湖海無餘子，爭敢望陽關有故人。風塵幸此身。（迎面見老旦，生脫帽爲禮介：）可憐意大利亡命流中則個。

（老旦揮淚探懷中取出金錢給外介：）（外點頭略謝，納入破帽介：）（生注視作賄賂狀介：）（外昂然下。）（生目送良久介：）（白老旦介：）母親！這是甚麼人呀！（老旦）我兒，還不知道嗎！這都是爲意大利全國國民受罪的。

（折桂令）他甘心割慈忍愛，別井離羣，俠轟轟，似荆卿入秦；氣昂昂，似翟義從軍。孩兒啊！你該記一千八百二十年，我們意大利人民，不堪專制虐政，因此南北諸省，同時並起，欲抗奧大利奏自由統一之功，爭奈石卵不敵，民黨失利。那些志士們，或上絞臺，或幽狂狴。恨皇天不仁，儘著伊暴昏。雲的前程雨雲翻，東市上朝衣誰問？鐵窗裏雄鬼爲鄰。那滅等的，就流竄到這挪亞海濱地方，舉目無親，淒涼乞食。餓盡青春，愁盡行雲，撇了鄉關，賸下孤身。

（淚介）孩兒啊！方纔那位巨人，便是這檔案內一個無名的英雄了。（生淚介：）不想僭意大利還

有這種慷慨義俠的人，孩兒愧他多多矣！

（醉東江）惹得俺千百結迴腸不展，三萬斛潮血如焚。恨悠悠天道非，痛歷歷英才盡，望長空霜風淒緊。難道是往車有轍，來軫無人。想我瑪志尼亦是意大利三千萬人中之一人，豈可放棄責任。叫一聲我國民，哭一聲我國民，怕不怕英雄氣短柳絲長，恨只恨自由人遠天涯近，從今後誓做個男兒本分，愛國精神。

（向老旦介：）母親啊！從今日以後，孩兒的身子，都要獻與意大利國民了！（老旦）這樣纔不辜負爲娘的教育你十七年一番苦心哩！（合）

（尾聲）紛紛成敗無憑準。自古道皇天不負有心人。佇看起陸龍蛇演出風雲陣。

（同下）。

節羅馬傳奇，選飲冰解文集

〔注〕●莊子：『朱泚漫學屠龍於支離益，單千金之家，三年技成，而無用其巧。』●海中之珠，爲

探者所遺，喻賢者不見知於人也。

②世說：「桓宣武北征，袁虎時從，會須露布，喚袁倚馬前

令作，手不輟筆，俄得七紙殊可觀。」

④晉書：「左思賦三都，構思十年，賦成，時人未之重

。及張華見而歎曰：「班張之流也。」於是豪貴之家，競相傳寫，洛陽爲之紙貴。」

⑤見詩，

王風，中谷有蕓章。

⑥宋玉風賦「此所謂庶人之雌風也。」今借以喻婦人悍妒之威。

⑦豈，

畜欄也。園也。孟子盡心章。如「追放豚既入其豎。」

⑧見詩，王風，葛藟章。

⑨見莊子逍遙

遊篇。

⑩列女傳：「魯漆室邑之女，過時未適人，倚柱而嘯曰：「魯君老，太子幼。」鄰婦曰

：「此卿大夫之憂也。」女曰：「不然，昔有客馬逸踐吾國葵，使吾終歲不飽葵。魯國有患，君

臣父子被其辱，婦女獨安所避乎？」

⑪漢書「大丈夫不能自食，吾哀王孫而進食。」

⑫伍

子胥父奢兄尚，爲楚平王所殺，子胥奔吳，中道吹簫乞食。卒佐吳伐楚。

⑬三國志陳登傳：「

許汜與劉備並在荊州牧劉表坐，表與備共論天下人。汜曰陳元龍湖海之士，豪氣不除。」

⑭見


王維送元三使西安詩。

⑮見史記刺客列傳。

⑯霍義，字文仲，漢上蔡人。官東郡太守。會王

莽稱假皇帝，義立劉信爲天子，移檄郡國三輔，傑多起應之。





特種國文選  
詩詞曲

九六



30  
5